



雲棧紀程卷三

廣漢 張邦仲 雲谷編輯

自寶鷄至褒城

初五日由寶鷄南渡渭水水經注渭水出隴西首陽縣渭谷亭南烏鼠山東北過襄武縣北又東過獮道縣南又東過冀縣北又東過上邽縣北又東過陳倉縣西蜀道驛程記何仲默云渭水在渭源縣甚清淺又石子磊磊然至寶郿乃沛然成洪川也酈注渭水又東與綏陽谿水合其水上承斜水水自斜谷分注

綏陽谿北屈陳倉入渭故諸葛亮與兄瑾書曰有綏
陽小谷雖山崖絕重谿水縱橫難用行軍者邏候往
來要道通人今使前軍斫治此道以向陳倉足以拔
連賊勢使不得分兵東行蜀鑑曹操嘗語人曰南鄭
直爲天嶽中斜谷道爲五百里石穴耳西都賦右界
褒斜隴首之險郡國志北口曰斜南口曰褒長四百
七十里同爲一谷薛瑄褒斜道中云褒斜一何長深
谷自迤邐雲木青無邊羣峰各峻
峙鳥道綠崖顛危棧駕江溪冥冥叫子規決決響溪
水累日山峽中陟降亦勞只自我入都門今逾一年
矣旣乏督辦能兼負素餐恥而况鬢髮蒼胡寧不知
此上章乞解綏詔許感不已雖云此谷險且遂北歸

喜周京褒斜谷云閣道橫空去連峰疊嶂開地隨秦
塞盡山自漢中來行蟻緣旋磨黏蝸上古臺當年轉
戰處彌望滿蒿來按斜谷在郿縣西南三十里秦惠王取蜀

之道也漢高祖就封南鄭張良送至褒中說之以燒
絕棧道備盜兵且示項羽無東意蓋棧道秦時已有
之所謂范睢相秦棧道千里通于蜀漢者也漢高燒
絕棧道因別開西路從故道北出以襲陳倉而棧道
遂廢今所由陳倉道也由渭水南度清澗河蜀道驛
程記又二三里過清澗河水特澄碧棧中煎茶坪以
東諸澗之水匯爲此河東下入渭溯清澗而上過益

門鎮鎮元平章李思齊築石壁峭絕往往瀑水成川
聲若奔霆一徑如髮明滅亂峰中爲入棧之始馬理

陝西通志益門山卽秦嶺北巖之峪蓋由此入益故

曰益門在寶鷄縣西南

何景明益門云益門通漢沔棧閣上雲霄蜀道從茲始秦

川望已遙生風鄰虎穴迴日過龍標眇眇征途子雲
山誰見招王士正益門鎮云天險當秦鳳提封界雍
梁棧雲高不落隴樹曉還蒼古堠催征騎秋風弔戰
場山南明日路漸入武都羌許儒龍益門鎮云山寒
夕氣深樹豁陰霞斂循溪蹈沮洳登
棧厯崖丁頗聞冰雪多予亦試新險又十五里至軍

陽灣一名和尚原宋史吳玠傳紹興元年金將沒立

白鳳翔別將烏魯折合自階成出散關約日會和尚

原烏魯折合先期至陣北上索戰玠命諸將堅陣待之更戰迭休山谷路狹多石馬不能行金人舍馬步戰大敗移砦黃牛會大風雨雹遂遁明年兀朮會諸道兵十餘萬十月攻和尚原玠命諸將選勁弓強弩分番迭射號駐隊矢連發不絕繁如雨注敵稍卻卽以奇兵旁繫絕其糧道度其困且走設伏于神全以待敵至伏發眾大亂縱兵夜擊大敗之文獻通考和尚原在大散關之東距寶鷄兩驛爲形勢必爭之地此地一失則路逕散漫戎馬深入無所限隔紹興間

吳玠守之兵力雖足而糧運不繼蜀人困于轉輸議

亦棄之而守仙人關十二年和議成卒割和尚原以

遺虜鳳翔遂沒

葉盛和尚原云和尚原頭日未西肩輿來此重攀躋可憐宋室功垂就不

道金人計已迷往事已隨深谷變青山還與白雲齊道旁草樹淒風起疑是將軍鏃馬嘶又十里

至二里關秦蜀後記二里關關隘險阻蛇徑縈迴峻

阪上下按二里關卽大散關魏武帝紀公西征張魯

至陳倉將自武都入氏氏人塞道先遣張郃朱靈等

攻破之夏四月公至陳倉出散關諸葛亮傳亮復出

散關圍陳倉曹真拒之亮糧盡而還魏將王雙率騎

追亮亮與戰破之斬雙宋中興四朝志大散關隸梁
泉縣在鳳翔寶鷄縣南爲秦蜀往來要道兩山關控
斗絕出可以攻入可以守實表裏之形勢也九域志
嘉陵江出大散關南行劒門關東向閬州與涪水會
禹貢錐指寶鷄西南爲鳳縣卽漢故道縣屬武都郡
縣東北大散嶺與寶鷄分界嶺上有大散關當秦隴
之會扼南北之交雍梁有事在所必爭水經注亦謂
扞水東北厯大散關入渭則大散關爲今二里關無
疑

胡德琳

大散關云蜀門自此通谷口望若合日月
互蔽虧陰陽隱開闔微徑臨深溪馬蹄畏虛踏泉

雪林集卷三
流亂石中砢砢擊磔時節已初春氣候如殘臘黃
葉間青條風吹鳴颯颯時見採樵人行歌互相答

蜀道驛程記以鳳縣石關當之誤矣石關水名故道

水入嘉陵江不入渭又五里至觀音堂

李調元觀音堂云咫尺巖

關隴蜀分猿聲不住亂山間店門人對千峯雪嶺表
僧歸兩袖雲新險何勞頻躑躅故交偏足慰殷勤分
明舊日酬詩處不忍重題五內焚

山下水名扞水酈注渭水又與扞

水合水出周道谷北經武都故道縣之故城西王莽

更名曰善治也故道縣有怒特祠列異傳武都故道

縣有怒特祠神本南山大梓昔秦文公二十七年伐

之樹瘡隨合秦文公乃遣四十人持斧斫之猶不斷

疲士一人傷足不能去臥樹下聞鬼相與言曰勞攻
戰乎其一日足爲勞矣又曰秦公必持不休答曰其
如我何又曰赤灰跋于子何如乃默無言臥者以告
令士皆赤衣隨所斫以灰跋樹斷化爲牛入水故秦
立爲祠其水又東北厯大散關而入渭又十里至半
坡舖卽周道谷也秦蜀後記煎茶坪北五峯羅列宛
如佛手峯斷處有大壑泉出其上流爲瀑布數折下
有危梁跨澗澗中水石擊撞隱鱗澎湃卽其尾閭矣
又五里至煎茶坪陝西通志煎茶坪山在寶鷄縣西

南六十里俗傳漢高祖引兵由故道出駐馬煎茶于

此蜀道驛程記坪高出眾峯上俯視四山雲霧如沈

澹一氣皆在足下循山麓而西稍有平田邨聚按煎

茶坪一名煎茶嶺其山西橫隴坂東連太白高出雲

表爲入棧第一雄塞

王士正煎茶坪云太壑沈雲霧冥冥萬仞梯孤峯分隴漢兩水

劃東西遙直金牛峽旁臨白馬氏當年誰設險不用一丸泥李調元煎茶坪云寒天飄衣裾悄悄日行遇

涉險自茲始緣岡頻嘆喟風濤怒激石澤雨溜松檜溪水磴上奔懸泉本末挂空山見雷鳴絕澗聞寒碓

馬困坡路高僕愁危棧壞重林驚虎嘯穿樹逐猿背日暮逾層巔孤戍隱旌旆策馬下山岡遙村滿蒼翠

山北之水北流入渭山南之水南流入嘉陵江又五

里至東河橋橋下水名故道水酈注故道川出陳倉
縣大散關西南爲故道水明薛文清瑄詩水號嘉陵
出散關是也水道提綱嘉陵江出鳳縣東北之嘉陵
谷西流經東河驛西南行五里至江龍溝十里至石
窰鋪五里至鮑家庄十里至黃牛堡

李化楠自黃牛鋪至鳳縣道中

作云山斷尚有木木斷竟無枝山木留缺陷行人命
如絲我從東方來欲度良自疑立馬千仞岡俯聽水
聲漸臨深兼履險搏足勢已危驅驅勿復顧幸得趨
坦夷俄聞後來人一馬崖邊墮嗟哉行役了營逐徒
爾爲我聞古君子道路以時治此地有良方輿紀要
牧胡久不設施壁間留此語聊用相爲規

黃牛堡在縣東北五代周顯德二年王景攻蜀入散

關拔黃牛等寨宋紹興三年金人大舉入寇徒單合
喜扼大散關遊騎攻黃牛堡吳璘馳至殺金坪駐青
野原援黃牛金人引卻嘉定十一年金人入西和階
成復犯黃牛堡吳政拒卻之進軍大散關十二年吳
政及金人戰于黃牛堡死之金人乘勝攻武休關是
也

初六日西南行循故道水之東岸十五里至長橋方
輿紀要長橋在鳳縣東北宋開禧三年楊巨源引兵
復大散關與金人戰于鳳州之長橋卽此又西行過

青峯閣

何景明青峯閣曉霽云初日東峯上微微霽色分丹崖含宿雨青嶂拂歸雲候騎林端發

鳴笳樹裏聞前山更可愛晴望碧氛氲

十里至紅花鋪十里逕五里坡

至草涼驛秦蜀後記青峯關白水江源出其下西流入兩當按青峯閣諸水乃嘉陵江源非白水江源漁洋誤草涼驛傳爲明皇駐蹕之地卽漢故道縣故城也史記漢高祖從故道襲雍敗章邯于陳倉水經注故道水西南逕故道城東魏征仇池築以置戍與馬鞍山水合水東出馬鞍山厯谷西流至故道城東西入故道水今馬鞍山水在草涼驛東北合故道水則

草涼驛爲漢故道城無疑也

王士正自長橋至草涼驛云西下嘉陵水瀾瀾

緣滿灘綠崖紅叱撥縈棧曲闌千九折行人少千峯落日寒不知投宿處樵響隔雲端

又十五

里至五星臺按五星臺本黃花城故址方輿紀要黃

花城在縣北六十里漢故道縣地唐武德四年分梁

泉縣置以黃花川爲名大厯中廢有黃花石五代周

顯德二年王景敗蜀兵于此又西行逕石關斗折臨

江號天險秦蜀後記過北星長橋登五星臺高際天

外下蟠地底箐林黝窈不寒而慄曹孟德謂爲天獄

良然哉十五里至白家店本唐倉鎮故址周顯德二

年王景等伐蜀進至武威城蜀將李廷珪遣別將據
馬嶺寨又分兵出鳳州北唐倉鎮及黃花谷絕周糧
道景遣兵抵黃花又分兵趨唐倉扼蜀歸路旋敗蜀
兵于黃花蜀兵奔唐倉卽此又十五里至王家店十
五里至柳樹灣自草涼驛至此六十里皆緣故道川
東岸依山傍水架木爲橋下臨不測名曰棧阪人行
其上閼然有聲每值山轉水折之處尤爲陡峻雖臨
江一面半設木欄而殘朽不時眩目惕心令人毛髮
俱竦又十五里至鳳縣

何景明鳳縣登樓云近訊中原使兼登萬里樓朝廷仍北

極行在且南州峽斷風雲隔江通日月流如聞乘八
駿早晚向崑邱王士正鳳縣云險絕岐南路岵巖蜀
北門千峯圍邸閣一綫望中原城下嘉陵水林間謝
豹村衰遲慙鳳德愁向接輿論李調元鳳縣二首云
雲巒途太折風景客來重水狹人多癭城孤虎有踪
壘漿誰共泛玉手鮮能縫唯有金絲柳依然拂露濃
水多千坂滑山盡一城橫處處驚逢雉家家解畜鸚
遙峯迷鳳跡小縣聚猿聲八百連雲路今朝見曉晴
吳省欽鳳縣和少鈍云瓜指懸提酒潑灰行人孤縣
負鳳州來如何踈地金絲影不入宜春苑裏栽
鳳翔府屬北連大散南接褒斜地氣較寒春秋時爲
氏羌所居秦爲隴西郡地漢爲故道河池二縣地屬
武都郡晉因之惠帝時沒于楊茂搜後魏置梁泉縣
并故道郡南齊置南岐州西魏改鳳州五代蜀王建